

Kalaallit Nunaannut, Kalaallit Nunaannit Kalaallit Nunaannilu usinik imaatigut assartuineq pillugu Inatsisartut peqqussutaata allanngortinneqarneranik Inatsisartut peqqussutaat

§ 1

Kalaallit Nunaannut, Kalaallit Nunaannit Kalaallit Nunaannilu usinik imaatigut assartuineq pillugu Inatsisartut peqqussutaanni nr. 16-imi 30. oktober 1992-imeersumi, Inatsisartut peqqussutaatigut nr. 16-ikkut 12. november 2001-imeersukkut allannguuteqartinneqartumi, makkua allannguutiginitineqarput:

1. § 6 atorunnaarpoq.

2. § 8 imatut oqaasertalerneqassaaq:

"§ 8. § 1-imi unioqqutitsineq akiliisitsissutaasinnaavoq.

Imm. 2. Unioqqutitsineq ingerlatseqatigiiffiup, piginneqataassuteqarluni ingerlatseqatigiiffiup, piginneqatigiilluni ingerlatseqatigiiffiup, peqatigiiffiup, sullissiveqarfiup imminut pigisup, aningaasaateqarfiup assigisaasaluunniit unioqqutitsinerinut inuk inatsisitigut akisussaasoq akiliisussanngortinneqarsinnaavoq. Namminersornerullutik Oqartussat, kommuni imaluunniit kommunit ataatsimoortut unioqqutitsisimappata akiliisitsisoqarsinnaavoq.

Imm. 3. Peqqussut manna naapertorlugu maleruagassanik aalajangersakkat unioqqutinneqarsimappata akiliisitsisoqarsinnaavoq."

§ 2

Inatsisartut peqqussutaat ulloq 1. januar 2004-mit atuutilerpoq.

Imm. 2. § 6-imi aamma § 8-mi malittarisassat manna tikillugu atuuttut akitsuusiisarnermut tunngasut, ukiunut 1. januar 1991-imiit 31. december 2003 ilanngullugu attuumassuteqartut, atorineqarsinnaajuassapput.

Namminersornerullutik Oqartussat, ulloq 18. december 2003

Hans Enoksen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut